



桂學文庫·廣西歷代文獻集成

潘琦 主編

蔣冕集

4

GUANGXI NORMAL UNIVERSITY PRESS
广西师范大学出版社



1527033



桂學文庫·廣西歷代文獻集成

潘琦 主編



蔣冕集



桂林師範大學圖書館 1527033

4

GUANGXI NORMAL UNIVERSITY PRESS
廣西師範大學出版社



· 桂林 ·

重刻蔣文定公湘臯集卷之三十六

清湘後學俞廷舉重編

闔邑紳士

同刊

七言律

大司馬幸菴彭公弟濟永省兄西還次韻二首
到京兩月便還鄉不論岍岐路短長郊藪鳳麟寧易
得朝家羅網正高張池塘在處頻懸夢風雨今宵且
對牀聞道年來富吟詠幾多詩卷墨花香

西行何日抵仙鄉裘馬翩翩逸興長友愛平生追軼
轍游談從昔陋蘇張飲酣竹葉風生座吟對梅花月

沐昌集 卷三 滿牀見說皋蘭多沃壤歸時秔稻正飄香

次韻送大司馬幸菴彭公西歸三首

金門寒漏履聲中英槩誰爲一代雄大節堂堂堅比石孤忠耿耿老猶童殿廷屢下留賢詔鐘鼎多銘矜寇功世正急賢身勇退幾人翹首仰高風

隴梅莫放一花飛已築衡茅傍翠微請老得俞章欲下籌邊有策手猶揮憂懷祗道關時切世事那知與願違屈指人才誰甲乙如公今日又西歸

者俊連朝出帝鄉秦關楚澤路何長天開魏闕宸奎燦雪滿燕臺祖席張士論褒崇詩幾卷家聲赫奕笏

連牀平生出處真無愧汗簡千年姓字香

濟永再省其兄幸菴公未幾歸蘭州次韻送之

二首

往來岐路半年中馬上看山意氣雄
寶劍光芒衝斗宿錦囊詩句付奚童
鴈分正爾情無限驪唱方知酒有功
他日鵬程還遠到未容蓬鬢老秋風

心逐孤雲隴上飛望中煙樹曉霏微
感時漫把烏紗岸贊幕曾將白羽揮
風雨對床纔踐約鄉關入夢忍相違
送行不識詩多少珠玉輝煌滿篋歸

京城見梅

湘皋集

卷三 七律

三

洪昌集

卷三十一

二

冰雪叢中早立身清標原不染纖塵宜寒宜煖雖隨地開早開遲總是春庾嶺清香廳月下孤山疎影照湖濱併將此日東風面欲倩丹青爲寫真

憶與梅花別幾時朝來何幸見京師冰肌玉骨依然好煖日和風也自宜嶺外竹松真是伴街頭塵土可能繼臘前春後君休較且對芳樽一賦詩

送胡訓導赴南昌

桂林胡生恃自幼有志能傳其父陝西憲副用晦公家學有聲場屋間屢試輒不偶去年膺有司貢北上禮部間來謁予因延之家塾

中以教犬子旣數月有南昌縣學訓導之命
欲留之而不可得也詩以送之

兒曹方喜得明師立雪堦前也不辭豈謂拜恩楓陛
下遽聞持鐸豫江湄西山月映儒宮檜南浦波連泮
沼猗對此吟懷知更好鴈歸應有寄來詩

送曹教諭赴任安仁

君往安仁勇莫留未如前度緩行騶黃金臺下承新
命雲錦江邊詫勝遊壇杏廳香來硯几泮芹凝綠上
簾鉤一官隨分知無負肯爲瓊寒對客愁

送袁訓導赴惠州府學

同治二年

卷二十六 七律

二二

湘皋集

卷三十一

三

歸鞍不待雨全晴應念高堂白髮生得祿已諧迎養
志過家先慰倚門情雲山地接鄉關近海嶠天浮島
嶼輕遙想皋比弦誦處春風桃李競敷榮

次涯翁李文正公贈蕭院判詩韻

我憶涯翁淚泣然此生欲見更無緣與君珠玉真堪
重絕世瓊瑰未足憐居藥宋清因柳子著書龐叟託
坡仙他時太史收方技誰道今人不及前
平生襟韻本翛然身在塵居少俗緣妙術幾年爲世
用好懷隨處得人憐客來留飲常成醉公退居閒半
似仙惟有好詩情不倦每勞飛刺到門前

汝潔武選以使事便道奉其母太孺人歸湘源
詩以壽之

仙袂飄飄畫省郎承恩將母暫還鄉
皇華詩向高秋詠寶婺星從午夜光
堂背靈萱隨日茂階前慈竹拂雲長
壽筵啟處薰風細魚筍堆盤酒滿觴

兵曹清譽藹朝紳有母康強壽六旬
天上幾函封誥在篋中五色賜衣新
抱孫已遂含飴樂迎養何辭給驛頻
多少詩章祝純嘏儘教傳誦徧鄉人

送同知儋州事陳君汝堅進蘇州府通判致仕
歸應城

湘皋集

卷三十六 七律

四

塵世勞勞宦海間
幾人未老卽投閒
新銜初換蘇州倅
清夢先歸楚澤山
海上棠陰留治所
庭前荆樹重鄉關
冥鴻天外誰能慕
不似空林倦鳥還

瓜葛相依二十秋
愛君真向古人求
幾回鴈杳書難寄
一見蟬聯語未休
表捧琅函方入獻
簪添華髮遽能投
明朝又是都門別
且聽陽關醉後謳

次三江宗伯留別詩韻送之歸吳

夢向東吳看秫田
覺來歸興已飄然
可緣軒冕心情淡
自是絲綸寵數偏
得句每欣毛穎健
陶情時愛麴生賢
江湖無限憂君意
次對封章達九天

礪菴少保初度日酒闌石齋少師詠水晶葡萄

爲壽湖東少保有詩次韻冕亦繼作

水晶珠在玉盤堆還憶春風手自栽
味比蓬山仙醴勝種隨漢使節旄回
延年何必求靈藥釀酒偏宜注壽杯
歲歲華筵酣醉後蔗漿茗飲可能陪

次少師石齋楊公賜宴志感韻二首

三少九年還一考奏功又見拜丹墀
天卿面引承恩重手勅親頒入謝遲
疏至四陳纔得允壽祈千歲恰如期
日斜宴錫南宮罷天保同歌祝聖詩

一代名臣榮壽日百年曠典特頒時
清朝已慶風雲

目

卷三十一 七律

七

洲身集

卷三十一

五

會異寵誰云雨露私到處艱危惟自畫平生忠義祇
天知溫綸每說勞謙事多少衣冠喜得師

壽西涯李文正公母麻太夫人九十

膝下能成間世賢黃扉勲德至今傳清朝已衍千齡
運慈算纔開九袞筵一品命章封兩度平生懿範擬
三遷蘭孫衣錦承歡處南極光中寶婺聯

子有維持世道功母年近百貌猶童君恩家慶相符
合物理天心益感通桃李滿門如舊日芝蘭繞砌自
香風我隨耆俊登堂拜佳氣今朝倍鬱蔥

談往事

唾壺聲裏出商謳身在元龍百尺樓莫對青山談往事且容白髮管閒愁酒杯到手時能醉塵務撩人夢不休鷗鷺有盟非一日烟波隨處着扁舟

鄙夫

我本湘源一鄙夫偶然竊祿侍清都不因天上施殊渥安得山中養病軀跡已漁樵還鹿豕憂誰廊廟更江湖山南水北閒來往時向風前倒酒壺

病半月小愈偶書四首

十日看山願畧償兩旬卧疾懶衣裳光陰祇計窓明暗氣候惟占藥燥涼玉署幾年懷稻壠桑弧轉眼博

湘集

卷三十一

七

繩牀客來莫道渾無事掃地開爐正爾忙

筆床茶竈具輕舟擬向湘江晝夜浮大塊何心令我
病高人從古與天游夢思海上蓬萊島興在湖南杜
若洲三十八年塵土裏風霜空弊黑貂裘

釣軸寧容處不才乞歸林下擬禳災世間惟有閒難
得意外那知病却來竈婢侵晨催啜粥園丁薄暮爲
尋梅今朝四遠山無霧待看青天萬里開

鍾期不聽伯牙琴魚鳥飛潛亦賞音竹葉有情難治
病梅花開口便知心把鋤肯計年豐歉覽鏡寧悲雪
淺深昨日湘江新漲碧白鷗盟在好重尋

遣懷六首

萬里湘皋一病翁，形如枯木鬢如蓬。
藥爐又見秋風老，窻紙俄欣夕照紅。
耳聽客談心曠眊，手拈書卷眼朦朧。
世間百念俱灰冷，猶喜隨人祝歲豐。

不分竹下與松間，牧叟樵夫任往還。
憂國淚邊雙白鬢，登樓眼裏幾青山。
詩成枕上聊乘興，酒對花前暫解顏。
世事百年徒役役，那知物外有人閒。

一飯隨時飽卽休，此身何苦與心讐。
人皆有老誰能免，世已相違可更求。
繫縛掃空林外鹿，機關忘盡海邊鷗。
殘骸敢望長粗健，任意扶衰且出遊。

洲集

卷三十一

二

黃扉竊祿已多年詔許歸耕壠上田身健恰如新換
骨心閒敢謂勝登仙半窻明月偏宜酒滿眼青山不
用錢浮世功名無過食蓴鱸誰似季鷹賢

飛飛倦鳥競投林百感中來不自禁事過目前渾似
夢道非身外日關心酒無淺酌寧深酌詩且長吟更
短吟忙處人多閒處少誰知閒裏好光陰

山中可樂樂無涯田叟村翁未必知久住仕途歸老
日正逢衰病去身時弟兄先後承恩詔伏臘從容舉
壽卮朝夕焚香還擊壤此生何往不熙熙

冬苦雨歎

到處人多太息聲今年南畝枉深耕已忻未有十分
熟其奈冬無半月晴倉庾幾時能納稅閭閻何計可
偷生此懷亟欲聞當守却恨迢迢萬里程

晨起二首

晨起科頭坐小齋紛然寒雀噪空堦踈踈蒲柳霜先
瘁短短松篁雪半埋信口謳吟聊趁韻見人觴奕也
開懷衰年自覺精神減何幸君王許賜骸

殘臘無多歲欲更寒雲漠漠擁柴荆百年能得幾時
好兩月全無十日晴身似風前蓬半朽眼如花外霧
叢生遠遊姑待春前後且辦煙蓑近郭行

月
集

卷三十一 七律

八